



**Ilinniagaqartut nunatsinneersut Danmark-imi najugaqartut nunatsinni Folketing-imut qinigassanngortittunik qinersisinnaanerata aqutissiuunniarlugu Folketing-imut qinersinermut inatsisaasup allanngortinnissaa pillugu saaffiginninnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inuit Ataqatigiit Inatsisartuni ilaasortaataat)

Kalaallit Danmarkimi ilinniarlutik najugaqarallartut nunatsinni Folketingimut qinigassanngortittunik qinersisinnanerannik aqutissiuussiumaneq Inuit Ataqatigiinniit taperserparput.

Qinersisinnaaneq pisinnaatitaaffiuvoq Inuit Ataqatigiit pingaarluinnartutut isigisaat, tamat oqartussaanerannik naqissusiisartoq. Nunatsinni siunissami napatitsisoralugillu aquttorilerumaakkagut tamat oqartussaanerata aqutigalugu nunaminni aaliangeeqataasarnissaannik periarfissiuuttuartariaqarigut Inuit Ataqatigiinni isumaqarpugut.

Ukiuni arlariinngulersuni nunarput qimakkallarlugi ilinniariartut, Folketingimut qinersilernerni nunatsinneersunik qinersisinnaannginnerminnik uggorinnillutik oqariartortarnerat tusarsaasarpog. Naluneqanngilluarpoq nunaqqatigut Danmarkimut ilinniariarsimasut kattuffitsik Avalak aqutigalugu nunatsinniit Folketingimut ilaasortaatitatsinnik suleqateqarluarlutillu attaveqarluartartuusut.

Maanna kalaaleqatigut Danmarkimut ilinniariarsimasut nunatsinni qinersinerni qinersisinnaatitaasarpog. Tamanna periarfissiinitsialaavoq nunagisap siunissaannik aaliangeeqataanissamut. Folketingimullu nunatsinneersunik qinersisinnaanngorneq nunamut allamut ilinniariarsimasortatta nunatsinni tamat oqartussaanerannut akuutinneruneqalernissaannik kinguneqartussaavoq tapersersornartoq.

Taamatut tunngavilersuuteqarluta siunnersuut una taperserpeqassasoq innersuupparput ataatsimiitsitaliamullu susassaqartumut innersuullutigu.